

# مسئله‌های صراط‌القیام

مدرسۀ سعادتیه باب عالی جاده‌سند  
اداره مخصوصه  
محل اداره :

مسلک من موافق آثار جدید مع المصنوعه  
قبول اولیور  
درج ابدلی آثار اعاده ارتخاز  
نظار :

دین ، فلسفه ، ادبیات ، حقوق و علوم دین باحث هفته‌لق رساله‌در

مؤسسه‌ری : ابوالاعلا زین‌العابدین - ح . اشرف ادیب

درسعادته نسخه‌بی ۵۰ باره‌در

قیرلادن مقوا بورو ایله کوندریایسه سنوی  
۲۰ غروش فضله آلیر

تاریخ تأسیسی :  
۱۱ نموز ۳۲۴

| سنه‌لکی | القی آیفی | درسه‌دنده     |
|---------|-----------|---------------|
| ۶۰      | ۲۰        | ولايتده       |
| ۸۰      | ۴۰        | ملك اجنبیه‌ده |
| ۸۰      | ۴۰        |               |

درسعادته پوسته‌ایله کوندریایسه ولایات بدل اخذاولنور.

ایکنجی جلد

۲۱ جادی الاول ۳۲۷ پنجشنبه ۲۸ مایس ۳۲۵

عدد : ۴۰

## استقامت

جوهر کرانهای انسانیتك الكبارلاق مزایای علویه‌سندن، ترقی و تعالی بشریه مدار اعظم اولان خصائل برکزیده‌سندن بری‌ده وصف جمیل استقامت. هرخصوصه التزام عدل و حقانیت اولدینی شرع ایله عقل یننده بالاتحاد قرارویریلن حقائق باهره جمله‌سندندر. کرک احراز رضای باری، کرک حضور و آسایش اهالی انجق بوسایه‌ده تأمین اولونور، یارواغیارك استجلاب قلوبنه چاره بولونور .

سعادت مطلوبه‌نك یكانه مداراستنادی بولونان بووظیفه اساسیه‌نك اهمیت عظیمه‌سنی اشعار سیاقده شرفورود ایدن بیانات فیض غایات رسالتیناهیدن، بدایع جوامع الکلم پیامبریدن معدود بولونان احادیث شریفه‌نك بری « قل انتم بالله‌تم استقم » حدیث شریفیدر . معنای منیفی : « جناب باری‌یه ایمان ایتدم دیوب الوهیت حقنده اعتقاد صحیح پیدا ایتدکن صوکرآ جمیع احوال و افعالکده استقامت اوزره ول »

جامع صحیح مسامحه مذکور اولدینی اوزره جناب رسالت‌مآب افندمن راوی حدیث اولان سفیان بن عبدالله طرفندن « یارسول الله قل لی فی الاسلام قولاً لا اسأل عنه احداً غیرك » دییه مراجعتی اوزرینه بولکلام شریفی نطق بویورمشلردی . یعنی یارسول الله! وظائف اسلامیه حقنده بکا برکلام، برنصح سلامت انجام بیورکه سزدن غیری کیمسه‌یه سؤال و مراجعته لزوم کورمیهیم »

ایشته بویله براسترحامه جواباً تصحیح ایمان و اعتقاد ایله برابر استقامت دائره‌سند حركت لزومنه دائر فرمان نبوی صدوری بوتون وظائف اسلامیه، وجائب انسانیه‌نك استقامت عنوانی تحتده مندرج

اولسنی صریحاً مفید اولدینی کبی بواصرعالیه مراعات ایدنلرك هردرلو غوائلدن ازاده قاله جقلمرینی ده دلالة احتوا ایتمکده در .

امام ابو القاسم قشیری علیه‌الرحمه رساله « مبارکه لرینه » استقیموا ولن تحصوا واعلموا ان خیردینکم الصلاة ..... » حدیث عالینسی درج بویوردقن صوکرآ شویله دیورلر : استقامت اولیله بردرجه سامیه‌درکه اورایه اعتلا ایدنلر امور عامه‌بی حدکماله ایصال ایدرلر، محضا استقامت سایه‌سند مصلح کسب انتظام ایده‌یلیر . استقامتدن محروم اولان کیمسه‌نك بوتون مساعینسی ضایع اولور، خیت و خسران ایله تیجه‌له‌نیر « ولاتکونوا کالتی نقضت غزلها من بعدقوة انکاکا تتخذون ایمانکم دخلاً بینکم » نظم جلیلی [\*] ارباب اتباهه بویوک بردرس عبرت ویرمکده‌در . بو برحقیقت محضه‌در . بر مقامده آثار استقامتی لایح اولمیان کیمسه اومقامك بالاسنه ارتقایه حائز صلاحیت اوله‌ماز .

وظیفه استقامتک اهمیت فوق‌العاده‌سنه سورة هودده‌کی « فاستقم كما امرت ومن تاب معك ولا تطغوا انه بما تعملون بصیر » نظم جلیلی‌ده دلالت ایتمکده‌در .

فای تقریمیه شوآیت کریمه‌نك ماقبلنه ترتیبی ، اذا کان الامر کذلک معناسنی مشعردر . بناء علی ذلک حاصل مفاد : « ای حبیب اکرم آیات سالفه‌دن سن قرون اولی احواله ، انبیای عظام ایله مؤمنلرك طریق مستقیمده ثباتلرینه ، سفهانك جفاکارانه معاملاتنه قارشنی صبر و تحمللرینه واقف اولدینك جهتله سن‌ده طرف سبجانییدن مأمور

[۱] سز بمینلرکزی دخل، مفسدت اینه‌نه واسطه انخاذ ایدم رک نقض عهد واستقامتدن انحراف خصوصنده اومعتوه قادین کبی اولمایکیزکه ایلاک‌لرینی اکیردکن، نهجه صالح حاله کتیردکن صوکره تل تل آیدریدی « عندالعرب بو‌حالیه معروفه برزن حقاً وار ایش »



و بوندن طولانی رسول اکرم صلی الله علیه وسلم « شیتنی سورة هود » بیورمش [۱] و سببی سؤال اولوندقده سورة مذکور مک آخرنده کی « فاستقم کما امرت الخ » آیت جلیله سنک حاوی اولدینی امر بالاستقامه اولسنی افاده ایلشدر .

استقامت تعبیری وظائف اعتقادیه یه شامل اولدینی حالد حدیث شریفده دلالت عطف ایله وظائف سائریه تخصیص بیورلدینی اسکلاشیلیور . زیرا هر وظیفه دینه نک ، بوتون معاملات مشروعه نک اس اساسی اولان اعتقادات صحیحه « قل آمنت بالله » قول شریفه اولجه بیان بیورولوب بعده بالجمله اعمال و اخلاق حقنده التزام اعتدال و محافظه اقتصاد وظیفه مهمه سی « ثم استقم » عبارته جلیله سیله افاده بیورلشدر . نصل که استعید بالله « ان الذين قالوا ربنا الله ثم استقاموا تتنزل عليهم الملائكة » آیت جلیله سننده بویله واقع اولشدر . بو حدیث شریف سنن ترمذیده « قل ربی الله ثم استقم » طرزنده روایت اولنمشدر که بوروایت کوره آیت جلیله یه هم لفظ ، هم معنا جهتیله موافق اولور .

قالدی که رسول اکرم افندمک امر بالاستقامه دن طولانی لحیه سعادت لرنده اثر شیب ظهور ایده جک مرتبه متأثر اولملری ایکی صورتله توجیه اولونه بیلیر . اولاً : هرکس مقام و مرتبه سنه کوره رعایت وظائفله مأمور بولونه جغدن اک بویوک مقامی حائز اولان ذاتک جناب حقه قارشی اک زیاده مسئول و معاتب اولسی لازم کلیر . برده معرفت الهیه نک کالی نسبتنده خشیه الله تزیاید ایتمکه اولدینی معلومدر . ثانیاً : حضرت رسالت پناه افندمن امر بالاستقامه نک بوتون افراد امته شمولی ملاحظه بیورمق ایله ده متأثر اوله بیلیرلر . چونکه اونلرک بوباید تقصیر و تکاسلار یله ایلروده ناسزا احوال ظهور ایده جکی کندیلرینه معلوم اولمقده ایدی . نصل که آتیا ایضاح اولونه جق .

منافع فی اسماعیل مفی

### ملتکلر اوزرنده جاری اولان قوانین الهیه

« ان الله لا یغیر ما بقوم حتی یغیروا ما بانفسهم . ذلك بأن الله لم یك غیراً نعمه انعمها علی قوم حتی یغیروا بانفسهم » ایشته بونلر قرآن مبینک آیات حکمتدن درکه انسانلری حقه ،

[۱] سورة جلیله هود بنی اختیارلاندی ، وقتدن اول صله لی آفارتدی . دیمکدر . بواقاده رسالت پناه ده بعض ذواتک « نهدن بویله سزده سرعته اثر شیب لایح اولدی » سؤالنه جواباً واقع اولمشیدی . رساله شریفه ذکر اولوندینی اوزره اکابر مشایخدن برذات حضرت فخر العالمی رؤیاده کوردوب « یارسول الله شیتنی هود عبارته سیله سزدن بر حدیث روایت ایدیورلر » دیمش رسول اکرم ده « اوت ! طوفرودر » بیورمش بونک اوزرنه اوزات « عجا اوسورده کی احوال امم مکذبه ده دائر تأثیراندن ناشی می بویله اولدی ؟ » دییه مرض سؤال ایش ، جواباً « خار اوندن اولمادی بلکه سورة آخرنده کی امر بالاستقامه آیت جلیله سی بکا پک تأثیر ایتدی » بیورمش .

اولدینک کی دائماً مستقیم اول ، شرکدن توبه کار اولوب ایمان بالله ده سکا تابع اولان امتک ده بو وجهله استقامت اوزره اولسونلر ، بوتون اوامر مه رعایت ایدک ، تعین اولونان حدود شرعیه یی تجاوز ایتیک . چونکه ربکنز کافه اعمال کنزی کورر ، بیلیر . اکا کوره جزالر ترتیب بیورور « دیمک اولور .

[ ولا تظنوا قول کریمی طغیاندن مشتق اولوب « مأمور قلندیکنز وظائفله تجاوزکارانه حرکت ایتکنز » دیمکدر که سورة شوراده مذکور « واستقم کما امرت ولا تتبع اهواءهم » نظم جلیلی دلالتیله بو تجاوزک منشائی سفهای ناسک آرزوی نفسانیلرینه متابعتدن عبارتدر ]

تفسیر بیضاویده ذکر اولوندینی اوزره استقامت عقائد و اعمال و اخلاق هر برنده اعتدال و حقانیتی کوزه تمک ایله تحقق ایدک جکندن ایفای مقتضای امر سهل اولیوب بلکه مواد تکلیفیه نک کافه سنده افراطدن ، تفريطدن تباعد تام ، بوتون وظائف صورت جدیده اعتنا و اهتمام ایله وجود بوله بیلیر . مذموم اولان طرفینک هر هانکیسنه بر مقدار میل و انحراف وقوع بولورسه وصف عالی مذکور رخنده دار ایدلش اولور .

مثلاً اعتقادیاتده استقامت تشبیه ایله تعطیل آره سنده بولونان اعتقاد صحیح وحدانیت احراز یله تحقق ایدر که عقل آنجق بوسایه ده افراط و تفريطدن مصون اوله رق حقه اصابت ، شان باری تعالاده اعتقادی واجب اولان اوصاف جلیله ربوبیتی ادراک و معرفت ایله دارینده باعث سعادت اولور .

بالجمله مساعی و افعال بشریه حقنده ده قاعده اساسیه بوندن عبارتدر . وظائف عبودیتک ایفاسنده تفريط و تکاسل جائز اولمادینی کی حقوق سائریه یی ابطال ایده جک و انسانی تهلکیه دوشوره جک درجه ده افراط و رهبانیت جهتی التزام ایتک ده مذموم و منهی عنده . هر عبادتده توسط و اعتدال اوزره بولونمق و نفس و اولاد و عیال حقوقنی محافظه ایتک شرط یله قرائض دینه ایفاسیله مکلف قلنمقده یز .

بوباید دخی رعایت اعتدال وجوبنه دائر پک چوق احادیث شریفه وارد اولوب بر قسمی طریق محمدیه کتابنه درج اولونمشدر . اخلاق حسنه نک ده کانه سی افراط و تفريط آره سنده ، اعتدال مرکزنده آرامق اقتضا ایدر . مثلاً شجاعت جبانیت ایله تهور ، سخا اقتار ایله اسراف ، حلم غضب ایله مسکنت آره سنده بولوندینی کی سنجایی سائر نک هر بری اعتدال و اقتصاد نقطه سنده اولمق شرط یله مددوح اوله بیلیر . افراط و یا تفريطه صابحه استقامتدن اوزاقلاشیر . مذمومیت اکتساب ایدرلر .

الحاصل وظیفه استقامت جمیع مواد دینه و تکالیف شرعیه ده — کرمک جناب حقه ، کرمک خلأقه قارشی اولسون — اعتدال و حقانیتی محافظه ایتکله حصول بولور . بناءً علیه بوندن خارج بر تکلیف الهی ، بر امر مرغوب عقلی بولونمق احتمالی یوقدر . بوتون وظائف ، بالجمله محاسن و کمالات بونده داخلدر . ایشته تمامی ایفاسنده کی صعوبت بوملاحظه ایله نمایان اولمقده در .